

四庫全書

史部

欽定四庫全書

史部

唐會要卷七十一

詳校官編修臣溫汝适

編修臣程嘉謨覆勘

總校官降調編修臣倉聖脉

校對官中書臣陸湘

謄錄監生臣馮金錫

欽定四庫全書

唐會要卷七十

宋王溥撰

量戶口定州縣等第例

武德令三萬戶以上為上州永徽令二萬戶以上為上州至顯慶元年九月十二日勅戶滿三萬以上為上州二萬以上為中州先已定為中州下州者仍舊至開元十八年三月十七日勅太平時久戶口日殷宜以四萬

戶以上為上州二萬五千戶為中州不滿二萬戶為下  
州其六雄十望州三輔等及別勅同上州都督及畿內  
州並同上州緣邊州三萬戶以上為上州二萬戶以上  
為中州其親王任中州下州刺史者亦為上州王去任  
後仍舊武德令戶五千以上為上縣二千戶以上為中  
縣一千戶以上為中下縣至開元十八年三月七日以  
六千戶以上為上縣三千戶以上為中縣不滿三千戶  
為中下縣其赤畿望緊等縣不限戶數並為上縣去京

五百里內并緣邊州縣戶五千以上亦為上縣二千以上為中縣一千以上為下縣

州縣分望道

貞觀元年三月十日併省州縣始因關河近便分為十道

一曰關內

古雍州之地

二曰河南道

古兗豫青徐四州之地

三曰河東道

古冀州之地

四曰河北道

古幽冀二州之地

五曰山南道

古荆梁二州之地

六曰隴右道

古雍梁二州之地

七曰淮南道

古揚州之地

八曰江南道

古揚州之地

九曰劍南道

古梁州之境

十曰嶺南道

古揚州之境

凡天下三百六十州自後并省迄於天寶凡三百三十一州存焉

凡羈縻之州八百京兆府尹有三

京兆河南太原

大都督有五潞揚益荆幽

都護府有六

單于安西安北為大都護安南安東北庭為大都護

又有上中下都督府凡天下軍有四十府有六百三

十四鎮有四百五十戍五百九十守捉有三十五  
景雲二年五月出使者以山南控帶江山疆界濶遠於  
是分爲山南東西兩道又自黃河以西分爲河西道

關內道

新升都督府 鹽州永泰元年十一月升

新升雄州 寧州至德元年十月二十九日升

原州乾元三年正月十一日升

新升望州 寧州原州並會昌四年四月十日升

新上州

會州永泰元年十一月升

丹州大厯六年五月升

宥州元和九年五月復置夏州

新升赤縣

京兆府雲陽縣元和二年十月升以崇

陵故也

奉先縣開元十七年十一月十日升以

奉陵寢以張愿為縣令

醴泉縣廣德元年五月一日升以崔演

為縣令

富平縣貞元四年正月十六日升以薛  
翬為縣令 三原縣同上年月升以王  
鄴為縣令

咸陽縣天授二年四月二十一日以管  
武氏陵升以字文意為縣令神龍元年  
十月二十九日復為畿

奉天縣興元元年正月一日升以杜元

為縣令

新升次赤縣

華州鄭縣光化元年六月升至天祐四

年閏十一月復為一縣

華州鄭縣華陰下邽三縣開元四年二

月二十六日升同州馮翊朝邑蒲城

澄城白水等縣開元四年二月二十六

日升

岐州雍縣扶風陳倉三縣同上年月日

升

靈州迴樂縣至德元年七月十二日升

寧州安定縣至德元年十二月九日升

邠州新平縣正元十年十二月升

新升緊縣

靈州懷遠縣至德元年十月三日升

寧州彭原縣至德元年二月九日升

鄜州洛交縣正元六年三月三十日升

新升上縣

靈州靈武弘靜溫池鳴沙等縣至德元

年七月十三日升

原州平高縣乾元三年正月十一日升

夏州朔方縣貞元四年十二月二十八

日升

鹽州五原白池縣永泰二年十月升

丹州汾川縣大厯六年五月升

延州膚施門山縣同上年月日升

河南道

新升都督府 登州大厯九年五月升

新升雄州 汝州會昌四年四月升虢州同上年月

日升

新升望州 青州大厯九年五月升

新升緊州 鄆州徐州並會昌四年五月升

蔡州元和十四年四月重定淮西州縣  
及官吏祿俸以蔡州為緊其刺史俸錢  
一百八十千長史以下有差

新升上州縣

海州密州貞元五年八月六日升

泗州貞元二十年正月內升

宿州元和四年正月以徐泗符離蘄虹

三縣置

亳州元和三年九月升

潁州會昌二年十一月升

唐州貞元十五年四月升

新升赤縣

河南府緱氏縣天祐二年四月四日升

以奉昭宗和陵故也

新升望縣

虢州閿鄉汴州浚儀尉氏開封等縣並

開元四年二月二十六日定

雍邱縣開元十二年九月八日升

滑州酸棗縣開元四年二月二十五日

定

白馬縣大厯五年三月升

許州扶溝縣開元四年二月二十六日

定

鄭州管城陽武新鄭滎澤等縣並開元

四年二月二十六日升

宋州宋城縣開元四年二月二十六日

升

襄邑縣會昌四年十一月升

陝州陝縣桃林河北芮城等縣開元四

年二月二十六日升

兗州金鄉縣開元四年二月二十六日

升

汝州梁縣開元十二年七月八日升

仙州襄城縣同上年月日升

蔡州汝安縣貞元七年正月二十二日

升

徐州彭城縣貞元六年十月升

鄆州須昌鉅野縣等貞元二年二月一

日升

青州益都縣大厯五年正月升

新升縣

號州弘農縣乾元三年二月一日升

鄆州鄆城東阿壽張盧縣貞元二年二

月一日升

兗州曲阜縣會昌二年二月升

宿州符離縣會昌四年十二月升

宋州柘城縣同上年月日升

潁州汝陰縣同上年月日升

青州臨淄壽光縣大厯五年正月升

新升上縣

號州盧氏朱陽玉城縣乾元三年四月

十四日升

汝州臨汝縣正元八年二月二十六日

升

蔡州遂平縣元和十二年四月內置

潁州潁上縣元和六年九月升

唐州方城縣貞元十五年四月升

陝州垣縣太和三年十一月升

河東道

新升次赤縣

河中府河東河西縣乾元三年三月改

新升望縣

蒲州河東安邑桑泉汾陰虞鄉縣等並

開元四年二月二十六日升

猗氏解縣開元十二年二月二十六日

升

絳州正平翼平龍門聞夏縣開元同上

年月日升

汾水孝義隰城介休平遙等縣同上年

月日升

洪洞縣等同上年月日升

并州太原晉陽祁縣等縣同上年月日

升

潞州上黨縣同上年月日升

河北道

新升望州

貝州大厯七年正月升

新升上州

媯州貞元七年五月七日升

定州元和四年六月改

涿州大厯五年十一月升

新升望縣

瀛州河間縣開元四年二月二十六日

升

博野縣大厯七年正月升  
冀州南宮

信都縣

深州饒陽縣 貝州宗城縣俱同上年

月日升

臨清縣大厯七年正月升

相州滏陽縣開元四年二月二十六日

升

魏州貴鄉昌樂魏縣頓邱縣等同上年

月日升

館陶冠氏縣大厯七年正月升

洺州永年縣開元四年二月二十六日

升

懷州河內武德武陟獲嘉縣同上年月

日升

德州安陵縣天寶八年五月一日升

恒州真定縣興元元年十一月十九日

升

幽州昌平縣貞元十九年九月升

薊縣開元三十三年十二月一日升

新升緊縣

魏州臨黃縣大厯七年正月升

貝州清陽縣同上年月日升

恒州石邑藁城縣興元元年十一月十

九日升

滄州清池縣大厯七年正月升

莫州鄭縣貞觀十九年八月升

新升上縣

媯州懷戎縣貞元十七年五月七日升

幽州潞縣貞元十五年九月升

山南道

新升都督府

利州大厯十四年十一月七日升

龍州長慶四年十月升

新升雄州

洋州興元元年十一月七日升

新升望州

襄州商州會昌四年五月升

梁州永泰元年二月升

新升上州

隨州貞元十五年四月

復州郢州並元和六年九月升

金州會昌四年五月升 洋州永泰元

年二月升

新升中州

硤州建中二年四月三十日升

新升次赤縣

江陵府江陵縣貞元元年九月升為畿

縣

興元府南鄭縣興元元年六月升

新升望縣

荊州江陵縣襄州襄陽縣並開元四年

二月二十六日升

商州商洛縣梁州南鄭縣並永泰元年

二月升置

鄧州穰縣大厯四年十一月升

新升繁縣

商州上路縣乾元三年四月十四日升

梁州固城縣洋州興道縣閬中縣並永

泰元年二月升

新升上縣

硤州夷陵縣上元二年六月十五日升

復州竟陵沔陽縣元和六年九月升

隨州光化縣同上年月日升

商州洛南縣貞元四年三月二十日升

郢州富水京山縣元和六年九月升

隴右道

新升都督府

沙州永泰二年五月升

新升中州

威州大中三年七月收復安縣州改為

威州

淮南道

新升隰州

壽州會昌四年五月升

新升上州

滁州和州舒州濠州蘄州並元和六年

九月升

光州大中四年六月升

新升中州

申州元和十四年四月升

揚州江都縣開元四年二月二十六日

升

海陵天長縣會昌四年十一月升

揚子縣大厯八年五月升

新升緊縣  
揚州六合縣會昌四年十二月升

楚州盱眙縣廬州合肥廬江慎縣壽州

安豐盛唐霍丘等縣舒州桐城縣濠州

定遠鍾離縣滁州全椒縣以上會昌四

年十二月升

新升上縣

楚州山陽盱眙縣貞元四年十二月二

十八日升

鹽城縣元和六年九月升

壽州霍丘縣蘄州蘄水縣舒州太湖宿

松縣同上年月日升

江南道

新升都督府

辰州大厯五年十一月升為中都督

新升雄州

蘇州大厯十三年二月十一日升

新升望州

潤州宣州越州常州並會昌五年四月

升

新升緊州

鄂州會昌四年五月升

新升上州

虔州袁州撫州饒州並元和六年九月

升

池州會昌四年五月升 信州同上年

月升

新升中州

岳州大厯五年六月升

新升望縣

潤州曲阿寧江等縣開元四年二月二

十六日升

丹徒縣大厯十二年二月二十六日升

句容縣會昌四年十一月升

常州晉陵縣開元四年二月二十六日

升

武進無錫縣大厯十二年二月二日升

江陰縣會昌四年十一月升

蘇州吳縣開元四年二月二十六日升

長洲縣大厯十二年二月二十六日升

加陵縣大厯六年二月升

崑山縣會昌四年十一月升

宣州宣城縣天寶十載二月二十五日

升

南陵縣大厯五年三月升

杭州餘杭縣開元四年二月二十六日

升

錢唐縣會昌四年十一月升

越州會稽縣開元四年二月二十六日

升

諸暨剡縣並大厯十二年二月九日升

婺州金華縣開元四年二月二十六日

升

東陽永康縣大厯十二年正月九日升

湖州烏程縣大厯十二年二月二十一

日升

長城縣會昌四年十一月升

衢州信安縣大厯十二年正月九日升

台州臨海縣會昌四年十一月升

鄂州江夏縣貞元十一年九月升

洪州高安縣會昌四年十一月升

潭州長沙縣同上年月日升

新升緊縣

越州蕭山縣大厯十二年正月升

湖州安吉縣會昌四年十二月升

信州上饒縣 杭州鹽官縣並同上年

月升

衢州龍丘縣大厯十二年正月十九日

升

婺州蘭溪縣同上年月升

海鹽縣會昌四年十二月升

宣州南陵漂陽當塗縣天寶十載二月

二十五日升

寧國縣會昌四年十二月升

歙州歙縣 池州秋浦縣俱同上年月

日升

鄂州武昌永泰等縣貞元二年九月升

洪州建昌大厯十二年十二月二十四

日升

潭州長沙縣湘鄉湘潭衡陽縣等大厯

四年四月二十四日升

吉州廬陵縣會昌四年十六月升

新升上縣

鄂州唐平蒲圻等縣元和六年九月升

岳州巴陵縣同上年月日升

華容縣大厯六年五月升

澧州石門縣元和六年九月升

潭州益陽縣貞元十二年二月升

衡州衡陽來山縣大歷四年二月二十

四日升

洪州武寧新吳縣元和六年九月升

辰州沅陵叙浦大鄉等縣大歷五年十

一月升

江州彭澤縣元和六年九月升

郴州平陽縣虔州信豐南康縣

袁州萍鄉縣杭州新城縣

欽定四庫全書

唐會要  
卷七十

撫州南豐縣已上俱同上年月日升

陵州分水縣大厯六年六月升

歙州婺源縣並元和六年九月升

新升中縣  
洪州分寧縣貞元十五年二月分寧武

為寧縣

劍南道

新升都督府  
遂州大厯二年二月升

昌州大厯十三年六月升

新升繁州

梓州會昌四年五月升

新升望縣

益州成都蜀縣郫縣新繁等縣並開元

四年二月二十六日升

蜀州晉原青城縣同上年月日升

唐興新津縣貞元十年十一月升

彭州九隴道江縣開元四年二月二十

四日升

唐昌縣貞元十年十二月升

漢州雒縣開元四年二月二十六日升

什邡縣貞元二年十二月升

新升繁縣

彭州濛陽縣漢州德陽綿竹縣眉州通

義彭山縣嘉州龍遊縣邛州臨邛縣以

上並貞元五年十二月升

新升上縣

嘉州夾江峨嵋縣邛州依政縣陵州籍

縣並貞元十年十二月升

閬州南部奉國縣永泰元年十月升

綿州羅江縣元和六年九月升

嶺南道

新升都督府 峯州驪州並貞元七年四月二十日升

新升上州 達州泉州元和六年五月升

新升望縣 福州閩縣貞元元年四月升

廣州南海縣會昌四年十月升

新升緊縣 泉州彭山縣貞元七年四月二十日升

黔州彭山縣貞元七年四月二十三日

升

容州晉陵縣同上年月日升

福州福唐長樂縣連山侯官縣貞元二年四月

泉州晉江莆田縣建州建陽縣並元和六年六月升

巫山龍標縣大厯六年五月升

新升中縣

容州北流縣貞元七年四月升

梧州蒼梧縣大厯九年七月升

州縣改置上

關內道

京兆府武德以來稱京城開元元年十二月三日稱西  
京至德二年十二月十五日改為中京上元二年九月  
二十一日停中京之號元年建卯月一日改為上都

天授二年七月二十八日勅雍州依舊以萬年長安乾  
封明堂咸陽鄠縣藍田等七縣隸焉又以武功為稷州

割奉天始平鹽屋好時等五縣隸焉以雲陽為鼎州割  
三原涇陽醴泉等四縣隸焉以零口置鴻州以慶山渭  
南兩縣十二鄉於郭下置鴻門縣割慶山高陵櫟陽渭  
南等五縣隸焉以永安置宜州割同官富平美原等四  
縣隸焉令地官員外郎周允元充樹置使至久視元年  
八月二十四日廢鴻鼎二州至大足元年四月四日廢  
宜稷二州並隸雍州 長安縣總章元年十一月二十  
二日新置乾封縣以王德真為縣令分理京城內至長

安二年六月二日廢 萬年縣武德元年九月始改大

興為萬年縣天寶七年八月十四日改為咸寧縣至德

三年二月五日復為萬年縣初總章元年新置明堂縣

以鄧鄆為縣令長安二年六月二日廢 昭應縣垂拱

二年二月二日新豐縣東南三十里有慶山湧出二十

八日改新豐為慶山縣荊州人俞文俊上疏曰臣聞天

氣不和而寒暑併人氣不和而疣贅生地氣不和而埴

阜出今陛下以女處陽位反易剛柔故地氣陽塞而山

變為災陛下謂之慶山臣以為非慶也臣愚以為宜厲  
自修德以答天譴不然禍災至矣疏奏則天怒流文俊  
於嶺南神龍元年二月四日復為新豐縣天寶三載十  
二月五日析新豐縣於會昌山令置會昌縣四載十月  
二十八日以會昌為赤縣以薛融為縣令七載十二月  
一日改會昌為昭應縣仍廢新豐隸入昭應以薛伯連  
為縣令奉先縣開元四年十月二十八日改桐州蒲  
城為奉先縣以奉橋陵隸京兆府元和十五年四月以

美原縣龍原鄉櫟陽縣萬年鄉隸奉先縣以奉景陵長慶四年五月以富平縣置水鄉華州下封縣翟公鄉同州澄城縣撫道鄉白水鄉會賓鄉並隸奉先縣以奉光陵天祐四年閏十二月二十七日却割隸同州富平縣元和元年六月以先天奉縣神泉鄉櫟陽縣大澤鄉美原縣義林鄉族義鄉並隸富平縣以奉豐陵三原縣會昌元年七月京兆府奉德三原縣申當縣仁化鄉開成五年六月勅割送富平縣光奉章陵訖准承前流例合於陵

近縣界接近割還當縣以奉莊陵今請割高陵縣青平鄉從之 奉天縣文明元年八月十五日以乾陵置奉天縣隸京兆府 懿聖縣天寶元年八月二十四日改為宜壽縣至德二年二月十五日改為懿聖縣 美原縣隋置丘門縣貞觀七年廢咸亨元年十二月二十一日于故丘門地置美原縣割隸京兆府 櫟陽縣天祐四年十月割隸華州同官縣貞觀十七年六月十七日廢置宜州來屬 興平縣景雲四年二月一日改始平

縣為金城縣至德五年十月改為興平縣 雲陽縣自  
武德五年分雲陽縣為石門仍置泉州移雲陽於縣南  
十五里水衡城貞觀元年廢泉州改石門縣為雲陽八  
年併池陽入雲陽縣 雍州天授中置鼎州後廢 華  
原縣貞觀十七年六月十四日廢宜州來屬垂拱二年  
九月二十日改為永安縣神龍元年二月四日復為華  
原縣 好時縣武德二年二月五日置於隋莊陵貞觀  
二十二年七月十四日勅岐陽既非要害好時又近醴泉

二縣並廢依舊置上宜縣其年十一月三日改上宜縣  
為好時縣 鳳翔府天興縣至德元年七月二十七日  
分雍縣置 雍縣至德二年八月二十一日改為鳳翔  
縣寶應元年十二月廢併入天興縣 扶風縣武德元  
年分岐山縣于圍川城置四年隸入稷州貞觀元年廢  
稷州來屬八年六月改為扶風縣 岐陽縣貞觀七年  
割扶風岐山並京兆上宜縣置焉二十一年廢永徽五  
年十二月又置元和三年三月併入扶風岐山縣 陳

倉縣至德二年八月二十一日改為寶雞縣貞觀七年  
廢天授二年七月二十八日割岐陽縣置普潤縣貞觀  
十一年正月隸隴右經畧使行原縣元和三年十二  
月臨涇縣改為行原遂命鎮將朱泚為刺史始泚為刺  
史嘗以臨涇地宜蕃息蕃戎每月寇屯臨涇為休養便  
地嘗白其帥願以城控之前帥不從其後段祐為節度  
使泚復白祐祐多其策乃表請城同州河西縣武德  
七年分韓城郃陽置屬韓州州廢來屬乾元三年三月

二十三日改為夏陽縣 韓城縣天祐年十二月改為

韓原縣 華州下邽縣垂拱元年十二月二十四日割

同州下邽縣隸 太州潼津縣聖曆二年三月二十日

割號州潼津縣隸入太州神龍三年四月十六日廢仙

掌縣邠州開元十三年二月二十二日改豳字為邠

永壽縣神龍元年三月二十五日割屬雍州唐隆元年

七月八日又屬豳州三水縣元和十五年正月移縣於

隴堡下舊城先是大厯中吐蕃嘗焚其縣故移之堡上

人不便之及是從節度使郭釗奏也坊州武德七年七月於鄜州南故馬坊置坊州宜君縣貞觀十七年六月十七日廢宜州來屬尋廢二十年閏三月十四日又置永徽二年十二月十四日又省龍朔三年八月二十五日又置昇平縣天寶二載十二月一日分宜君縣置鄜州直羅縣武德二年割三川洛交縣置涇州開元八年四月十七日割寧州豐義縣隸焉鶉觚縣天寶元年八月二十四日改為靈臺縣臨涇縣

貞元十一年正月節度使劉昌奏請於臨涇縣界堡定  
城置 陰盤縣勅改潘原貞元十一年以彭信堡置寧  
州豐義縣武德四年分彭原縣置 勝州河濱縣貞觀  
二年置 連谷縣貞觀八年置 豐州貞觀二年十二  
月二十三日分靈州置 九原縣永徽四年置 永豐  
縣永徽元年正月置 豐安縣麟德元年置 延州開  
元二年升為都督府 延水縣隋鎮武德縣初為利州  
縣名安人貞觀二年州廢安人屬北基州八年割屬延

州二十三年五月改為延水縣 延川縣貞觀五年置

北基州至八年廢 罷交縣天寶元年八月二十四日

改為延昌縣 金城縣本因城縣武德二年改為金城

縣天寶元年八月二十四日改為敷政縣 綏州上縣

天寶元年八月二十四日改為龍泉縣 夏州朔方縣

本隋宕銀縣貞觀三年改為朔方縣 寧朔縣武德六

年置南夏州貞觀二年廢 鹽州五原縣貞觀八年與

同州置 白池縣景龍三年置 伏陸縣天寶元年八

月二十日改為甘泉縣 慶州懷安縣開元十一年十月八日置 方渠縣神龍三年三月二十五日分烏陵縣置 結交縣天寶元年八月二十四日改合水縣

白馬縣同上勅改為延慶縣 麟州開元十二年閏十月二十九日置十四年十月九日廢 乾元元年五月一日於新泰縣置鐵麟縣開元十三年六月十三日置 隴州定縣元和三年隸寧州 宥州延恩縣元和九年二月勅天寶末年宥州寄理於經畧軍寶應以後

因循遂廢由是昆夷屢擾党項靡依蕃部之人撫懷莫  
及朕方弘遠畧思復舊規宜於經畧軍置宥州仍為上  
州於郭下置延恩縣為上縣仍屬夏州元和十五年九  
月夏州節度使闕太請置宥州於長澤 原州蕭關縣  
神龍三年三月廢地樓縣置 威州大中三年七月靈  
武節度使朱叔明奏收復安樂州其州即故靈州鳴沙  
縣其年八月遂改為威州

河南道

河南府河南縣垂拱二年改為合宮縣以薛充構為縣令神龍元年五月却為河南縣二年十一月五日又改為合宮縣以蘇成為縣令右補闕權若訥上疏曰臣聞詩人闡教深懷罔極之恩孔氏立言或崇無改之道今陛下置聖善報恩之閣義貫於終天存合宮永肩之號敬深於如在伏見天地日月君臣等字皆先朝創制已久施行陛下續承丕緒嗣守洪業母子相傳國家如舊此則天能事生人積習何所要切登時除之無益於淳

化存之有光於孝理又神龍元年三月三日制書一事  
以上並依貞觀故事者但則天遺訓誠曰母儀太宗舊  
章事稱祖德昔永徽之始不聞依武德舊事今陛下膺  
期乃遵貞觀故事如其遠依貞觀實恐未益先期以臣  
愚識請更詳審唐隆元年七月八日復改為河南縣

洛陽縣垂拱四年七月一日析置永昌縣長安二年  
六月二日廢神龍二年十一月二日改洛陽為永昌以  
王俊為縣令唐隆元年七月八日又改為洛陽縣來

庭縣天授三年三月九日置以陸寶績為縣令長安二年六月二日廢 緱氏縣隋置貞觀十六年省上元二年七月九日又置以管孝敬陵 嵩陽縣隋置貞觀十七年省永淳元年七月八日復置文明元年四月十三日廢光宅元年二月四日又置登封元年臘月十九日改為登封縣神龍元年二月五日改嵩陽縣二年十一月五日又改為登封縣 新安縣義寧二年置新安郡領新安一縣武德元年改為穀州領新安澠池東垣三

縣四年省東垣入新安貞觀元年徙穀州於澠池至顯慶二年十二月九日廢穀州以福昌新安澠池永寧四縣並懷州河陽溫縣王屋鄭州沁水並隸洛州 告成縣武德四年王世充降陽城縣令王雄以縣歸順乃置嵩州領陽城嵩陽陽翟康成四縣以雄為刺史貞觀三年省嵩州以陽城屬洛州登封元年臘月九日改為告成縣神龍元年二月五日改為陽縣二年十一月五日又改為告成縣天祐二年十二月改為陽邑 興泰縣

長安四年五月二十九日以興泰宮城置神龍元年二月四日廢河陰縣開元二十二年四月侍中裴耀卿奏汜水滎澤武陟三縣於河口輸場置焉隸河南會昌三年九月勅置隸孟州仍改為望縣潁陽縣貞觀七

年廢咸亨四年閏五月一日分河南洛陽伊闕嵩陽等縣置武臨縣開元十五年九月二日改為潁陽縣武

泰縣天授二年七月二十八日分滎陽置焉隸洛陽尋廢後又改滎陽縣為武泰縣神龍元年二月四日改為

蒙州屬鄭州 伊陽縣先天元年十二月二十三日洛

州長史李傑奏割陸渾置陽翟縣武德四年隸嵩州貞  
觀二年省州縣改隸許州龍朔二年十二月十六日割  
隸洛州 福昌縣義寧元年置宜陽郡領宜陽澠池永寧

三縣武德元年改熊州故宜陽縣為福昌取隋福昌宮  
為名領福昌壽安永寧三縣貞觀元年省熊州以福昌  
改隸穀州顯慶二年十二月十六日廢州以縣屬洛州  
永寧縣義寧二年置治永固城屬宜陽郡武德元年屬

熊州三年改屬函州八年省州却屬熊州貞觀元年改屬穀州長水縣武德元年屬虢州貞觀八年改屬穀州州廢來屬濟源縣武德二年三月王世充將丁伯德以縣歸順遂置西濟州領源淩陽燕川呂原四縣以伯德為刺史四年省縣隸懷州顯慶二年十二月十三日屬溫縣令周仲隱以縣歸乃於縣置平州以仲隱為刺史溫縣為李城縣其年八月省州縣復名溫屬孟州王屋縣武德元年改為邵州貞觀元年省州縣屬懷州顯

慶一年十二月十三日改隸洛州光化三年八月割隸  
河陽 河陽縣武德二年置名大基屬懷州四年割屬  
孟州八年省咸亨五年八月河南洛陽新安王屋濟源  
河陽六縣置大基縣屬洛陽先天元年以國諱改為河  
陽縣會昌三年九月中書門下奏曰臣聞艱難以後割  
屬河陽三城使令河南河管五縣中租賦色役盡屬河  
陽河陽使歸一統便為定制既是雄鎮足壯三城臣等  
商量其河陽縣望改為孟州仍為望州河汜水溫縣河

河清濟源等五縣改為望州其縣令以下望且令守本官至吏部注官日替詔從之 汜水縣武德四年置屬

鄭州貞觀七年州移理官城縣垂拱四年七月一日改

為廣武縣神龍元年復為汜水縣 密縣武德三年置

密縣四年廢縣屬鄭州 龍朔二年十二月二十日自

鄭州割隸 河清鞏縣光宅三年八月割隸河陽耿州

隋廢武德元年復置廣德二年二月升為大都督府以

皇甫溫為長史 硤石縣隋廢武德元年置 芮城縣

武德二年置芮州貞觀元年廢縣來屬安邑縣貞觀  
十七年六月十七日廢虞州及桐鄉縣以安邑屬蒲州  
至德二年八月二十三日為虞邑縣乾元三年正月  
二十一日割隸陝州復為安邑縣夏縣乾元三年正  
月二十一日自絳州來屬桃林縣天寶元年二月二  
十一日改靈寶縣河北縣天寶元年二月二十一日  
改為平陸縣先是陝郡太守李濟物疏鑿三門得古鐮  
甚大其上有平陸二字後因改為平陸鄭州武德三

年改為管州貞觀元年復為鄭州 圃田縣武德元年  
改為中年縣貞觀元年屬汴州 龍朔二年十二月十  
六日來屬 豫州寶應元年十二月改為蔡州新息縣  
武德四年置息州貞觀元年廢 吳房縣貞觀元年置  
八年廢汝南縣貞元七年正月二十三日於郭下置元  
和十三年正月汝南縣宜却停省 西平縣貞觀元年  
廢天授二年十一月一日又置 遂平縣元和十二年  
四月吳房縣改為遂平縣仍移於文城柵南新城內置

便為上縣權為隸唐州褒城縣天祐三年十二月改為  
苞亭縣 汝州武德初從隋舊制為伊州貞觀十年以  
西城置伊州遂改為汝州光化三年八月割去隸洛京  
梁州隋為承林縣貞觀元年改為梁縣魯山縣王世充  
置魯州武德四年正月二日廢入伊州其年復置魯州  
貞觀元年三月又廢入伊州 龍興縣證聖元年四月  
一日置武興縣神龍元年十月十九日改為龍興縣  
褒城縣天寶七載正月二十四日自許州來屬 臨汝

縣先天元年十二月二十三日置 亳州武德四年改  
為譙州貞觀元年改為亳州 臨渙縣貞觀十七年六  
月十七日廢譙州來屬 太和九年五月亳州臨渙縣  
宜割屬宿州永城縣貞觀十七年六月十七日廢譙州  
來屬 陽谷縣麟德二年二月二十八日改為貢源縣  
鄆縣開元二十六年三月二十四日移汴州南垣縣驛  
置 山桑縣貞觀十七年六月十七日廢譙州來屬天  
寶元年八月二十四日改為蒙城縣 曹州武城縣貞

觀十七年六月十七日廢戴州來屬 離狐縣天寶元  
年八月二十四日改為南華縣 仙州武德二年置萊  
州五年廢貞觀八年置魯州九年廢開元四年析許魯  
唐三州復置仙州至十一年十二月勅以仙州頻喪長  
史欲廢之令公卿議其可否中書侍郎崔沔議曰仙州  
四面去餘州界雖近若據州而言則玄遠土地饒沃戶  
口稀疎逃亡所歸頗成泉藪舊多劫盜兼有宿寇所以  
往年患之置州鎮壓今興役幾年主司粗定累年成規

一朝廢省前功盡棄後弊方深今廢州則生患置州則  
稱煩所以武德以來迭為廢置足明利害不專一途至  
於田疇勞損即與許蔡何殊寧為位卑獨當廢省若以  
州管新戶驛長難得唐許州路僻戶多均出傍州非無  
成例州以鎮俗官以利人所在皆然雖憚其廢然自創  
置未盈十年州將員寮屢卒於位天道性命聖人罕言  
而共理分憂朝寄尤切視死亡而不恤何以得其歡心  
計不自安政必苟且下承斯弊為傷必多而通之則可

永久州東新置舞陽縣則漢樊噲之舊國噲豐沛故人  
又高祖之姪惟勲惟舊且親且賢亦既受封亦稱吉土  
保全良吏庶在茲邦又南接白羊川口村聚幽僻妖訛  
宵聚此為根柢自置縣來十減七八今若移州鎮之亦可  
杜絕其仙州望且未廢至今年十月移向舞陽置仍為  
樊州刺史司馬銓頗聞守法公勤望稍加慰勞使其說  
以成務庶其益於公家至二十六年十月三日廢大厯  
三年三月二十八日復置仍置仙龜縣五年二月初六

日又廢仙鳧縣亦停 登州隋為牟州武德二年改為

登州貞觀元年廢天授二年閏五月二十一日又置

黃縣神龍元年四月改為蓬萊縣 牟平縣武德元年

置貞觀元年廢麟德二年又置 潁州武德四年置信

州六年改為潁州長慶二年八月潁州移潁鄭州 沈

丘縣神龍年置 淮川縣武德八年改為下蔡縣 齊

州元和十五年正月二十三日平廬州軍奏當管五州

共二十九縣內四縣錄戶口凋耗計其本縣稅錢自供

官員不足今請權宜併省各具如後齊州都九縣內三縣請併省豐齊縣與本州長清縣相近今請廢豐齊縣併入長清縣全節縣與歷城縣相近請廢全節縣併入歷城縣亭山縣與章丘相近今請廢亭山併入章丘豐齊等四縣權停廢待以後戶口滋繁物力殷贍即請仍舊從之行齊州元和十三年冬十月齊州刺史高士榮奏蒙恩受任其州猶在賊中須置行州及倚郭歷城縣行印從之平陵縣貞觀十七年四月改為全節縣

祝阿縣天寶元年八月二十四日改為禹城縣 山莊

縣武德元年置天寶元年七月二十四日改為豐齊縣

章丘縣武德二年置貞觀元年廢 歸化縣太和四年

十二月本州奏廢八邑縣 泗州開元二十五年九月

十日移就臨淮縣 臨淮縣長安二年二月分徐城縣

置 下邳縣武德年置邳州貞觀元年州廢來屬 虹

縣本名夏丘屬仁州武德六年改名虹縣貞觀八年州

廢來屬兗州 金鄉縣貞觀十七年六月十七日廢戴

州來屬元和十四年正月以兗州金鄉縣權隸屬徐州  
宿豫縣寶應元年六月十一日改為宿遷縣 博城縣  
神龍二年十一月五日改為乾封縣 方興縣寶應元  
年六月十一日改為魚縣 萊蕪縣貞觀元年廢入博城  
縣長安四年正月十日又置貞元四年十一月二十三  
日割屬兗州元和十四年六月兗海節度使曹華奏兗  
州萊蕪縣在當道邊界去縣山路三百餘里人戶絕少  
年稅絹一千官吏名數亦與大縣不殊竊以此縣最小

虛置無取請准淄齊等州章丘臨濟縣例特從併省案  
圖經萊蕪貞觀三年廢入博城縣即今當州乾封縣是  
也相去接近伏請依前併入乾封縣從之太和元年九  
月兗州奏復置縣從之平陸縣天寶元年八月二十  
四日割鄆縣魚臺縣元和四年十一月淄青節度使  
李師道請移兗州魚臺縣置於黃臺市從之十四年正  
月權隸徐州密州莒縣貞觀八年廢莒州來屬安  
丘縣貞元二年九月改為輔唐縣淄州武德四年置

沂州水縣武德二年置莒州貞觀二年廢 承縣武德  
四年於檀丘置縣貞觀二年廢之 新泰縣武德二年  
屬莒州貞觀八年來屬濟天寶十三年六月一日廢所  
領五縣並隸鄆州陳州南頓縣武德二年省入項城縣  
證聖元年改為光武縣景龍元年復為頓丘縣 項城  
縣隋置沈州貞觀元年州廢來屬 西華縣武德八年  
改為基城縣貞觀元年又置名武城神龍元年二月四  
日改基城縣景龍元年又改為西華 汴州開封縣武

德四年自鄭州來屬貞觀元年廢元和元年五月十五日分浚儀縣又置尉氏縣武德四年置洧州貞觀元年州廢雍丘縣武德四年置杞州貞觀元年州廢唐州方城縣武德初置北禮州貞觀元年改為魯州九年廢鄆州鄆城縣舊是郭下縣貞觀八年州移於須昌縣天祐二年十二月改為萬安縣鉅野縣貞觀十七年六月十七日廢戴州來屬宿城縣景雲三年十二月十八日置貞元四年七月改為東平縣移郭

就下仍是望太和四年五月改為天平縣六年七月併入須昌縣平陰縣太和六年七月併入阿盧縣開成二年鄆州節度使王源中奏當道先廢天平平陽兩縣並在東境東西一百一十三里南北一百八十里無縣邑以理居人兼制賊盜請復置平陰縣兼下吏部注縣令主簿各一人詔從之青州壽光縣武德二年改為乘州至八年廢徐州沛縣武德五年置符離縣武德四年置蘄縣貞觀十七年六月十七日廢譙州來屬

濮州武德四年置 宋州祐城縣貞觀七年廢永淳元年十月二十四日又置 穀熟縣貞觀七年置南穀州四年廢 單父楚丘縣貞觀七年六月十七日廢戴州來屬 碭山縣光化三年正月建為輝州移理所單父縣 考城縣元和十四年正月權隸宋州 許州節城縣元和十二年二月淮西賊中百姓窮困相率歸順其數甚多宜於許汝營側近置行郛城縣委韓弘詳議揀擇穩便處置其年十一月以郛城縣蔡州上蔡西平遂

平三縣隸焉是年十二月澉州宜屬許州長慶元年廢  
澉州復為郾城縣依前隸屬許州其先割屬澉州上蔡  
西平遂平等三縣依隸屬蔡州 舞陽縣開元四年置  
元和十三年正月陳許觀察使李光顏奏許州舞陽縣  
為逆賊吳元濟所毀令請移縣權請置於吳城鎮從之  
豪州元和三年六月改豪州字為濠失印故也 宿州  
元和四年正月以徐州符離蘄泗州虹三縣置遂為上  
州理符離仍隸徐豪泗等州觀察使長慶元年三月徐

州觀察使崔羣奏頃以蔡孽未平遂割前件三縣及徐州將士一千四百人權置宿州以阨其奔軼爭鬪脩禦非務使人今寰宇無虞封圻罷警權創支羣理合併除其宿州伏請却廢三縣各還本州至太和七年二月勅宜准元和四年正月割徐州符離蘄泗州虹縣依前置宿州隸屬徐泗濠等州觀察使其州於埧橋置六品以下官便委吏部注擬

河東道

太原府文水縣天授元年十月十四日改為武興縣品秩同赤縣以史蕪恕為縣令神龍元年二月十五日復舊石艾縣天寶元年八月二十四日改為廣陽縣

孟武縣陽德三年置授州貞觀八年省州來屬陽曲

縣武德三年改為邠陽七年又改為陽曲縣太谷縣

武德四年置太州六年又省之河中府元和三年三

月改蒲州為河中府兩縣為赤縣餘為畿縣官吏所置並准京兆府河南府河西縣乾元三年三月二十日割

同州朝邑河西縣置焉仍改同州河西縣為夏陽縣

桑泉縣天寶十二年十二月一日勅改桑泉縣為臨晉

縣汾陽縣開元十一年二月十六日改為寶鼎縣

潞州開元十年七月二十五日置大都督府襄垣陟

縣銅鞮貞觀十七年六月十七日廢韓州來屬潞城

縣天祐二年十一月改為潞子縣黎城縣同上年月

改為黎亭縣號州弘農縣顯慶二年改為垣縣開元

十六年二月二十八日復州弘農縣湖城縣武德二

年置乾元三年二月一日改為太平縣大厯四年七月  
四日改為湖城縣 閩鄉縣貞觀元年移鼎邑於屯縣  
八年州移來屬 絳州翼城縣義寧元年改為澮州武  
德六年廢州來屬天祐二年十二月改為澮州縣 萬  
全縣武德三年置為太州貞觀十七年六月十七日州  
廢來屬 垣縣貞元三年七月以絳州垣縣隸陝州元  
和三年二月復隸絳州夏縣貞觀十七年六月太州廢  
來屬乾元二年正月二十一日割屬陝州 龍門縣武

德元年置太州貞觀十七年州廢來屬汾州武德元

年改為浩州三年改為汾州介休縣武德元年置介

州貞觀元年却廢河西縣西河縣晉州太和元年十

一月二十四日勅晉州置割隸河觀察使收管汾西

縣貞觀十七年六月十七日廢莒州與霍邑趙城來屬

神山縣武德二年九月置浮山三年九月十九日以告

善行於羊角老君改焉澤州會昌四年九月中書門

下奏河陽近雖置制土寺宇猶偏澤州全有太行之險

實為固東洛之藩垣將務遠圖所宜從便望割屬河陽  
晉城縣武德三年置建州並置晉城縣六年州廢來屬  
天祐二年十一月改為高都縣 獲澤縣天寶元年八  
月二十四日改為陽城縣 武鄉縣武德初置韓州貞  
觀元年廢之 壺關縣武德四年置隰州太寧縣武德  
二年置中州貞觀元年州廢來屬 蒲城縣武德二年  
置貞觀元年廢 慈州武德元年為汾州貞觀八年改  
為慈州太和元年十一月二十日勅慈州宜割隸屬河

中府觀察使收管 文城縣天祐二年十二月改為屈

邑縣 代州唐林縣證聖元年於忻代二州界乃置

朔州安邊縣開元十二年七月置在橫野軍 石州林

泉本名太和縣武德二年置北和州貞觀二年廢改為

臨全縣是也 嵐州宜芳縣隋嵐城縣武德四年改焉

合和縣隋臨泉縣武德七年改臨津縣貞觀元年改焉

嵐谷縣長安三年置景雲二年廢開元十二年又復置

之 儀州本遼州隋末廢武德三年又置遼州貞觀八

年改為其州先天元年十二月二十三日又改為儀州

唐會要卷七十

欽定四庫全書

唐會要卷七十一

宋 王溥 撰

州縣改置下

河北道

幽州開元十三年正月初一日改為大都督府 無終  
縣萬歲通天元年移就玉田驛改為玉田縣 漁陽縣武  
德元年置玄州貞觀元年廢來屬 良鄉縣聖歷元年

閏臘月二十九日改為固節縣神龍元年二月復為良鄉縣 雍奴縣天寶元年八月二十四日改為武清縣

三河縣武德初改為潞縣開元四年三月改為三河

縣 會昌縣如意元年置武宗縣景雲三年改為會昌

縣 瀛州高陽縣武德四年置蒲州貞觀元年州廢來

屬 博野縣武德二年置蠡州貞觀元年廢來屬 莫

州景雲三年六月十四日分瀛州置鄭州開元十三年

十二月初二日始單用莫字 唐興縣如意元年置武

昌縣神龍元年二月四日改唐興縣 長豐縣開元十

年置 鄭州開元十一年閏六月一日割漁陽玉田三

門置媯州武德三年置北燕州貞觀三年改媯州長安

三年移就清夷軍涿州新城縣太和六年十一月置古

督亢之地 恒州興元六年六月一日升為大都督府

元和十五年二月改恒州為鎮州恒陽縣為曲陽縣恒

岳為鎮岳避穆宗諱也 井陘縣貞觀十七年六月十

七日廢并州興鹿泉房山屬 行唐縣長壽二年改為

章武縣神龍元年二月四日改為行唐縣 橐城縣天  
祐二年九月改為橐平縣 信都縣同上年月改為堯  
都縣 樂城縣同上年月改樂氏縣 阜城縣同上年  
月日改漢阜縣 臨城縣同上年月改為房子縣冀州  
龍朔二年十二月十六日改為魏州咸亨三年九月二  
十五日復為冀州廩陶縣天寶元年八月二十四日改  
為寧晉縣 房子縣同上年月改臨城縣 大陸縣武  
德四年改為象城縣 深州貞觀十七年六月十

七日廢先天元年四月十日又復置深州大厯三年八月割恒州行唐縣置以恒州靈壽定州恒陽二縣屬焉尋廢博州青平縣武德四年置博平縣貞觀十七年廢聊城天授三年更置天祐三年四月割隸鄆州聊城武陽武水高唐縣天祐三年四月並割隸鄆州

昭義縣開成四年八月移於固鎮驛貝州宗城縣武

德四年廢宗州來屬宗州置在徑城縣天祐三年八月

割隸魏州鄒縣天寶元年八月二十四日改為夏津

縣 永濟縣大歷七年正月以張店為縣天祐三年八

月割隸魏州 易州五迴縣開元二十三年三月十六

日置 道縣天寶元年八月二十四日改為容城縣

永樂縣同年月改為蒲城縣 滄州胡蘓縣天寶元年八

月二十四日改為臨津縣 清池縣太和五月十日本

道移奏於南羅縣內 南皮縣武德初屬景州貞觀十

七年廢景州來屬 魏州龍朔二年十二月二十六日

改為冀州仍置大都督府咸亨三年九月二十五日仍

舊元城縣貞觀十二年六月十七日廢證聖二年三月二十一日又置開元十三年十二月二日移於郭下也

昌樂縣武德五年八月置朝城縣貞觀十七年廢

永昌縣元年又置改名聖武開元七年又改為朝城縣

華縣貞觀元年廢華州來屬頓丘縣貞觀元年廢

澶州來屬大厯七年廢置澶州澶州大厯七年正月

析魏州頓丘縣之觀城店置觀城縣清豐店置清豐縣

並割魏州臨黃縣並隸相州湯陰縣武德四年置林

慮縣武德元年置五年廢貞觀十七年六月又置臨河  
內黃洹水縣並天祐三年八月割隸鄆州 棣州武德  
四年七月十六日置貞觀六年十二月九日廢十七年  
六月十七日復置 陽信縣會昌元年十一月淄青觀  
察使韋平奏棣州申請移陽信縣并鎮於縣南七十里  
八角寺南二里置城從之 邢州栢仁縣天寶元年八  
月十四日改為堯山縣 青山縣開成四年八月廢洺  
州曲周縣武德四年析洺州置 清漳縣會昌元年三月

並省分入肥鄉平思州等三縣 衛州黎陽縣貞觀十

七年六月十七日廢黎州來屬同日廢清淇縣至長安

四年十二月二十三日於淇門復置縣 景州長慶二

年正月勅滄州弓高縣依舊為景州仍隸滄州觀察

使至太和四年十二月滄州觀察使殷侑奏廢為景平

縣乃從之 德州歸化縣開元十三年橫海軍節度使

鄭權奏當道管德州安德縣渡黃河南與齊州臨邑縣

隣接有灌家口草市一所頃者成德軍於市北十里築

城名福城割管內安德平原平昌三縣五都置都知管  
勾當臣今請於此置前件城緣隔黃河與齊州臨邑縣  
對岸又居安德平原平昌三縣界疆境濶遠易動難安  
伏請於此置縣為上縣請以歸仁為名從之修縣安陵  
縣貞元十七年廢觀州來屬安州安平縣貞觀十七  
年六月十七日廢深州來屬北平縣改為徇中縣  
義豐縣改為立節縣並神功元年十月改至神龍元年  
二月五日各復本名唐昌縣至天寶元年八月二十

四日改為涇邑縣毋極縣通天元年改為無極縣 安  
喜望都二縣並武德四年置

山南道

荊州本大都督府上元元年九月改為江陵府荊門縣  
貞元二十一年六月置 長元縣上元元年七月二十  
三日析枝江縣置為赤縣二年六月十四日廢枝江縣  
隸入長寧縣大歷六年十月七日廢為枝江 襄州率  
道縣天寶七載三月二十七日改為宜城縣 臨沮縣

武德三年置重州貞觀元年廢州來屬開元十年五月二十八日改為南漳縣 樂鄉縣本都州貞觀元年州廢來屬 鄧城縣貞元二十一年五月以襄州為襄府改臨漢縣於古城為鄧城縣 隨州開元二十五年六月十五日以客戶編成十二鄉置城縣屬焉 房州武德元年改為仙州又於竹山置房州貞觀八年廢州入仙州後卻置貞元元年五月隸山南東道天祐元年九月以金州為昭戎軍管房州至三年四月却隸山南道

金州泉石縣聖厯三年改為武安縣神龍元年改為泉石後廢貞元元年十二月刺史姜公輔請復置從之

黃丘縣天寶二年八月二十四日改為清陽縣大厯六年八月併入洵陽縣 洵陽縣武德元年置洵州七年

州廢來屬 平利縣廢入西城縣 唐州本顯州貞觀

九年改唐州天祐三年四月刺史孫審符奏移理所於

泌陽縣焉 平民縣武德三年置荊州五年州廢縣割

入湖州貞元元年廢州來屬 湖陽縣武德三年置湖

州貞觀元年州又廢 上馬縣武德元年置貞觀元年  
廢開元十二年七月十七日又置天寶元年八月二十  
四日又改為泌陽縣 鄧州南陽縣聖歷元年五月十  
一日改為武臺縣神龍元年復為南陽縣 向城縣武  
德三年隸荊州八年廢屬北澧縣貞觀六年州廢來屬  
聖歷元年五月一日改為武清縣神龍元年二月初五  
日復為向城縣 新城縣天寶元年八月二十四日復  
改臨淄縣 菊潭縣開元二十四年九月一日置 浙

陽縣通天元年七月一日置 內鄉縣隋浙江貞觀八年春廢來屬鄧州歸州武德二年廢歸鎮置縣 夔州隋信州武德二年二月改為夔州 均州貞觀八年浙江置貞元五年五月以均州隸山南東道觀察使天祐二年九月以金州為昭武軍割隸焉至三年四月又却割隸山南東道 豐成縣武德元年廢上津郡貞觀八年州廢來屬 商州上津縣武德元年置上州八年又州廢為上津縣來屬安業縣通天元年置 渝州萬壽縣

武德三年置萬春縣五年又改為萬壽縣南平縣貞  
觀四年置八年置平州十二年州廢來屬集州通平  
縣武德二年移靜州於此貞觀十年六月七日州廢來  
屬郢縣貞觀元年廢十七年置富水縣武德四年  
置涇州貞觀十七年州廢來屬壁州武德二年置諾  
水隸巴州八年改置壁州太平縣開元二十三年六  
月三日置天寶元年八月二十四日改為巴東縣渠  
州始安縣准上天寶元年改為渠江縣忠州武德元

年改為臨州貞觀八年改為忠州 清水縣武德二年  
置天寶元年八月二十四日改為桂溪縣 洋州貞符  
縣開元十八年八月二十五日置華陽縣天寶八年閏  
六月四日改為貞符縣仍隸京兆府十一載五月十日  
却隸洋州 萬州武德二年置浦州貞觀八年改為萬  
州 涪州武德元年廢涪陵鎮置州元和三年七月復  
以涪州隸黔中道涪州案疆理以黔管接近頃年割附  
荊州至是復舊 賓化縣貞觀十一年置 硤州宜都

縣武德四年置江州貞觀八年州廢來屬利州義清  
縣天寶元年八月二十四日改眉山縣蓬州固縣天  
寶元年八月二十四日改為良山縣宕渠縣天寶元  
年八月以宕渠縣合入蓬山縣合州巴水縣開元二  
十三年八月二十六日置銅渠縣開元四年置興  
州鳴水縣長慶元年八月廢通州巴渠新寧等縣太  
和三年正月興元府奏通州原管九縣寶曆二年停廢  
伏緣本府租稅最重開州獨稱殷羨請割巴渠州見管

三縣內推配從之 興元府興元元年六月勅梁州改  
為興元府置官一切同京兆河南府也興元府廢金牛  
縣為鄉三洋州廢洋源縣為鄉五閬州廢岐平縣為鄉  
四黎州廢景谷縣為鄉五通州廢三固縣為鄉四又廢  
石鼓縣為鄉五巴州廢奇章縣為鄉四又廢盤道縣為  
鄉五蓬州廢郎池縣為鄉六又廢良山縣為鄉六集州  
廢通平縣為鄉十璧州廢納縣為鄉六渠州廢大竹縣  
為鄉三又廢隣水縣為鄉三鳳州廢黃花縣為鄉二開

州廢萬歲縣為鄉六寶歷元年九月山南西道節度使裴度奏准今年二月勅廢金牛等十六縣為鄉令並隨便近割隸屬諸縣訖

隴右道

涼州神烏縣證聖元年改為武威縣神龍元年二月後為神烏縣 番和縣天寶三年三月初六日改為天寶縣 嘉麟縣神龍三年三月二十五日置景龍三年廢先天二年復置 疊州武德二年置至今未改 芳州

武德元年移於常樂城內貞觀三年移於芳州神龍元年廢芳州為常芳縣隸疊州 伊州納職縣開元十五年二月九日置 沙州武德五年改隋氏為西沙貞觀七年去西字為沙州天寶末陷西戎大中五年七月刺史張義潮遣兄義潭將寶道圖經戶籍來獻舉州歸順至十一月除義潮檢校吏部尚書兼金吾大將軍充歸義節度河沙甘肅伊西等十一州管內觀察使仍許於京中置邸舍 鄯州鄯城縣儀鳳二年置 河南安鄉縣

天寶元年八月二十日改為鳳林縣 廓州化宗縣先

天元年改為廣威縣 蘭州金城縣天寶元年八月二十四

日改為五泉縣 洮州開元二十七年四月十六日以蘭

州廢臨州為洮州 秦州舊縣陷吐蕃大中三年八月

收復四年二月割隸鳳翔 武州大厯二年五月十一日

置尋陷吐蕃至大中三年七月邠州節度使張君諱奏

收復蕭關復置武州清水縣大中三年八月鳳翔節度

使李玘收復乃隸武州

淮南道

揚州武德七年改為邗州九年改揚州大都督府 海  
陵縣武德三年置吳州七年州廢來屬先天二年三月  
復置 江陽縣貞觀十八年五月十八日分江都縣置  
六合縣武德七年置芳州貞觀元年州廢來屬 揚子  
縣開耀元年正月十二日廢鎮來屬 楚州武德初海  
州人臧君相據此號東楚州八年乃改為楚州 淮陽  
縣武德七年置乾封三年又置 盱眙縣文明元年十

月改為建中縣尋復本名焉 光州元和十三年五月

割隸淮南殷城縣隋義州貞觀元年州廢來屬 樂安

縣天寶元年八月二十四日改為先居縣 壽州霍丘

縣武德四年廢鎮為霍州貞觀元年州廢來屬神功元

年九月二十日改武昌縣景雲元年七月二十日改霍

丘縣 沔州建中元年四月析入黃州四年三月復置

寶歷三年武昌節度使牛僧孺奏沔州號州隔江相去

纔餘一里其州請併省其漢陽儀州兩縣並割隸鄂州

從之 安州應城孝昌二縣元和三年五月并入雲夢  
縣後又置 吉陽縣同上年並入應山縣後又置 黃  
州麻城縣元和三年三月並入黃岡縣又置 申州太  
和十三年五月割隸鄂州後却隸淮南道 滁州永陽縣  
景雲三年置 和州含山縣武德八年廢長安四年又置  
為武壽縣神龍元年二月復為含山縣 舒州宿松縣  
武德四年置嚴州七年州廢來屬 廬州襄安縣武德  
二年改為稟縣 鄆州蘭溪縣武德四年置天寶元年

八月二十四日改為蘄水縣 永寧縣天寶元年八月二十四日改為廣陰縣

江南道

潤州金壇縣垂拱四年七月十八日置 上元縣武德七年置蔣州金陵縣八月又廢蔣州九年移於白下縣屬潤州貞觀七年改為江寧縣至德二年正月十六日置江寧郡貞元元年改為昇州寶應元年四月十五日州廢上元三年二月六日改為上元縣也 曲阿縣武德

二年六月置雲州五年四月改為簡州以崔順為刺史  
八年四月州廢屬潤州天寶元年八月二十四日改為丹  
陽縣 常州武進縣武德四年置貞觀元年廢垂拱二  
年三月三日又置 蘇州長洲縣通天元年七月四日分  
吳縣置 嘉興縣武德元年置貞觀元年廢景雲二年  
又置先天二年又廢開元五年七月又置 華亭縣天  
寶十載置 海鹽縣貞觀元年廢景雲二年置先天二  
年廢開元五年七月又置之 湖州開元七年置又及

烏程縣 臨溪縣天授二年析置武源縣景雲元年改  
臨溪縣天寶元年改為德清縣 安吉縣武德七年廢  
麟德元年八月五日又置 杭州武德六年六月置  
於潛縣武德六年六月置潛州至其年八月以來路不  
通州廢來屬 新城縣永亨元年五月二日分富陽縣  
置 臨安縣垂拱二年置 紫溪縣聖歷元年正月三  
十日改為崇德縣神龍元年三月改為唐山縣大歷三  
年八月二十三日廢 宣州太平縣天寶十載三月

九日析涇縣置之 涇縣武德元年置南徐州其年改  
猷州八年州廢來屬 溧陽縣乾元元年六月十六日  
割屬昇州二年六月十三日割屬宣州其年十一月十  
六日又屬昇州上元元年七月十三日隸宣州十二月  
七日又屬昇州寶應元年四月五日昇州廢屬焉 旌  
德縣寶應二年二月析太平縣置 寧國縣隋置武德  
六年廢天授三年置 婺州烏傷武德七年改為義烏  
縣 武義縣天授二年置 東陽縣垂拱二年二月三

日分義康縣置 蘭溪縣咸亨五年八月十五日割金華縣 永康縣武德八年置 衢州武德四年割婺州置八年廢垂拱三年三月十三日復置 湏江縣武德四年八月分信安縣置八年廢永昌元年又置 玉山縣證聖二年置龍丘縣貞觀八年置婺州垂拱二年廢盈川縣如意元年分龍丘縣置元和七年正月廢入龍丘信安縣 常山縣咸亨五年置 台州象山縣神龍三年六月六日置至德二年十二月九日割屬明州

始豐縣貞觀八年置上元二年二月六日改唐興縣

寧海縣永昌二年二月置永寧縣貞元二年四月一

日析臨海縣置天寶元年八月二十四日改為黃岩縣

明州開元二十六年七月十三日析越州鄞縣置以

秦昌順為刺史仍置奉化慈谿翁山等縣慈谿以房琯

為縣令翁山以王叔通為縣令大歷六年三月因袁晁

賊廢長慶元年三月浙東觀察使薛戎上言明州北臨

鄞江山阻隘今請移明州於鄞縣置其舊城近南高處

置鄞縣從之 越州山陰縣武德四年置貞觀元年廢  
垂拱二年三月十三日分會稽置大厯二年十二月七  
日權廢七年十二月二十五日刺史陳少遊又奏置元  
和七年五月隸入會稽蕭山兩縣十年二月復置之

剡縣武德四年置嵎州八年廢依舊為縣 永興縣儀

鳳二年割會稽置天寶元年八月二十四日又改為蕭

山縣 餘姚縣武德年置姚州七年五月州廢來屬

饒州新昌縣武德五年析鄞陽置後廢開元四年又

置天寶元年八月十四日改為浮梁縣 福州隋泉縣  
武德八年改為豐州都督府貞觀元年廢為泉州久視  
元年置武榮州景雲二年改為閩州開元十三年復改  
為福州 侯官縣長安三年析閩縣置元和三年三月  
并侯官長樂入閩縣福唐兩縣并長樂縣入建安邵武  
兩縣初觀察使陸淮例省之於舊縣各置場官一刻木  
為印徵其租稅居人不便至五年四月又復置 萬安  
縣聖歷二年置天寶八載八月二十四日改為福唐縣

溫麻縣長安四年置天寶元年八月二十四日改為長  
溪縣 泉州景雲二年分武榮州置 南安縣武德三  
年置豐州貞觀元年州廢並來屬 莆田縣武德六年  
三月置 清源縣天寶元年八月二十四日改為仙遊  
縣汀州大厯十四年正月二十六日移於長縣白石鄉  
黃連縣改寧化縣 漳州垂拱二年九月置漳浦縣  
新羅縣改為龍岩縣並天寶元年八月二十四日置  
懷恩縣垂拱二年置 潮州潮陽縣永徽四年廢先天

二年置 建州武德四年置 浦城縣武德四年為興  
吳縣天授二年改寧縣神龍元年改為唐興縣天寶元  
年八月改浦城縣 邵州武德六年置梁州貞觀十年  
改為邵州 邵陽縣武德四年置建州貞觀元年改為  
縣 武岡縣隋為武攸武德四年改為武岡 郴州義  
章縣武德四年廢八年又依舊 南平縣武德七年改  
為武縣咸亨二年又析置南平縣天寶元年八月二十  
四日改藍山縣 高平縣長壽二年置 安陵縣開元

十三年置 廬陽縣天寶元年八月二十四日改為義  
昌縣 潭州劉陽縣景龍元年置 湖潭縣天寶八年  
八月三十日移於路口置 岳州昌江縣神龍三年置  
華容縣垂拱三年改為容城縣神龍元年二月復為華  
容縣 衡州衡陽縣武德初蕭銳改為臨丞縣因茲不  
改至貞觀元年復改為衡陽縣 茶陵縣武德七年置  
貞觀七年省聖歷元年復置 吉州安福縣武德五年置  
潁州後改為安福縣十年州廢 永新縣顯慶四年置

虔州南安縣永淳元年析南安置天寶元年八月二十四日改為信豐縣大庾縣神龍元年置安遠縣貞元四年八月四日置道州貞觀元年初置南榮州至七年改為道州十七年六月十七日並入永州上元二年十月八日又置唐興縣蕭銳置梁興貞觀八年改為唐興縣天寶元年八月二十四日復為延唐江華縣文明元年改為雲谿縣神龍元年二月復舊焉弘道縣天寶二年十月二十五日置大厯縣大厯二年

七月二十六日置 括州括蒼縣大厯十四年夏五月

改括州為處州括蒼縣為麗水縣 洪州分寧縣貞元

十六年二月置鄴城縣天祐二年十二月改為吳高縣

撫州南豐縣開元八年三月置之 信州貴溪縣永泰

九年十月分七陽縣置 永豐縣元和七年正月廢入

上饒縣 歙州歸德縣大厯二年二月廢入休寧縣

北野縣大厯四年二月廢入歙縣 婺源縣開元二十

八年正月十日置 睦州清溪縣舊名上宇與憲宗

廟諱同永貞元年十二月改清溪縣 池州永泰元年  
十月分宣州饒州歙州戶口於清秋浦縣置以秋浦青  
陽至德並析置石埭等四縣隸於溫州上元二年四月  
析括州永嘉安固二縣置 樂安縣永寧縣上元二年  
四月析臨海縣置

劍南道

成都府蜀縣貞觀七年六月十七日分成都縣置 犀  
浦縣垂拱二年三月二日分成都縣置 廣都縣龍朔

三年八月十六日分雙流縣置東陽縣久視元年十

二月三日置天寶元年八月二十四日改為靈池縣

溫江縣隋萬春縣貞觀元年改為溫江縣漢州垂拱

二年三月三日分益州雒縣置金唐縣咸亨二年三

月置彭州垂拱三年三月分隘州九隴縣置九隴

縣武德三年三月置濛州貞觀元年廢導江縣隋

汝山縣武德元年改為龍盤縣隸濛州尋改為灌

寧縣二年改為導江縣唐昌縣儀鳳元年置蜀州

垂拱二年三月分益州晉原縣置 唐安縣義寧二年  
置唐榮縣天后改為武宗縣神龍元年二月復為唐宗  
縣先天二年改為唐安縣 綿州西州縣開耀二年正  
月十八日割巴西縣置 昌明縣先天元年置 涪城  
縣大厯十三年五月隸梓州 姚州長安二年置尋廢  
入雋州垂拱九年又置并長縣天寶元年八月二十四  
日改為南瀘縣 黎州長安二年置神龍三年廢開元  
四年七月二十二日置 果州武德四年置 邛州大

邑縣咸亨四年析晉原縣置 雅州百丈縣貞觀八年

置 飛越縣儀鳳四年置 眉州崇山縣先天元年改

為彭山縣 舊州先廢大厯四年正月割邛州蒲江縣

臨溪縣復置之太和六年五月西州奏移於登臺城

可縣天寶元年八月二十四日改為西瀘縣 會川縣

上元二年改邛都置 梓州元和元年十月以平劉闢

乃割西川所管資簡陵榮昌瀘等六州隸東川至四年

正月以東川所部號制太遠武元衡論奏復隸西川榮

州義縣瀘州合江縣元和十三年五月東川節度使李  
逢吉請各移於舊縣界制以便水陸貿遷從之 維州  
恭州武德七年正月開白狗等羌置之天寶亂沒入吐  
蕃大中三年九月西川節度使杜悰奏收復蓬州蓬池  
縣開成三十年四月置 牢州貞觀二十一年二月置  
隸舊州都督府 榮州武德二年割資州於公井置貞  
觀六年移於太牢縣永徽二年移於地川縣 威遠軍  
貞觀六年六月置 太牢縣天寶元年八月二十四日

改為應靈縣 靜州永徽四年十月九日置 茂州武

德四年五月立為南會州貞觀八年改為茂州 劍州

永徽五年正月十五日置為始州先天二年四月十日

復舊焉 聖門縣聖歷二年置 遂州唐興縣開耀元

年正月十七日置天寶元年八月二十四日改為蓬溪

縣 蓬寧縣景龍元年置 閬州先天縣二年改隆州

為閬州 簡州武德二年置元和四年正月以東川所

部復隸劍南西川至永徽六年分松州左封縣地 龍

州開元十五年六月十五日分戎州置後停 殷州開  
元十五年六月十五日分戎州置後停 昌州朝元二  
年五月二十一日分資晉二州置

嶺南道

廣州大寧縣垂拱三年置 四會縣武德四年置南綏  
州貞觀八年改為貞州十三年州廢來屬 懷集縣武  
德五年置威州貞觀七年廢浚縣武德五年置涯州  
貞觀元年州廢來屬 柳州武德五年置南昆州貞觀

七年改柳州 洛曹縣元和十三年正月桂州奏洛村

縣元置在洛曹山側請改洛曹縣從之 韶州湏陽縣

光宅元年割始興縣置 康州武德五年置名南康州

貞觀十三年除南字 桂州長慶二年十二月桂管觀

察使殷侑奏當管縣名與陵號同及與諸州縣名同總

四縣一縣與肅宗陵號同桂州建陵縣今按圖經牒有

修仁鄉伏請改為修仁縣永豐縣與信州永豐同按圖

經縣下有豐水請改為豐水縣富州開江縣唐州平原

縣與德州平原縣同名按圖經縣下有思和水請改為  
思和縣從之 荔浦縣貞觀三年置十三年復廢 臨  
源縣大歷三年五月改為全義縣也 邕州滕州元隸  
容州咸亨三年五月割隸邕 潯州籠州環州古州貞  
觀十七年置 業州大歷五年十一月改為潯州昭州  
貞觀八年置富州元和十年正月桂州奏觀察使請移  
歸城乃從之 宕州元隸容府咸亨三年五月割隸邕  
州 安樂縣元和十三年十月容管經畧使奏宕州為

黃洞賊所陷請置行宕州於安樂縣從之 林州貞觀

十一年改為繡州 賓州武德五年置南扶州貞觀八

年改焉 靜州貞觀八年改為富州潘州武德四年置

南宕州八年改為潘州 貴州武德四年置南伊州貞

觀七年改為貴州 方州武德四年置貞觀五年又改

為方州 橫州同上年置為南簡州貞觀八年又改焉

濠州貞觀八年置南恭州後改焉 黔州道費夷二州

貞觀四年九月開蠻置 溱州貞觀八年置垂拱二年

改焉開元十年復舊大厯五年十一月改為叙州 珍  
州本沅州長安四年置舞州開元十三年又改為鶴州  
思州貞觀八年改勢州為思州 黨州建中二年六  
月並入平琴州改為黨州 瓊州貞觀五年十月嶺南  
道節度使李復奏收復瓊州表曰瓊州本隸廣州府管  
內乾封中山洞草賊反叛都督李逸撫馭失所遂致淪陷  
已經一百餘年臣差判官監察御史姜孟京及崖州刺  
史張少遷等悉力致討累經苦戰方克舊城便令降人

開剪荆榛建立城柵屯集官軍臣竊觀瓊州控壓賊洞  
若移鎮軍在此必興永絕姦謀伏望引為下都督府仍  
加瓊崖振擔萬安等五州招討遊奕使其崖州使額請  
停之 崖州臨高縣貞元七年十月割屬瓊州 瓊山

縣貞元七年十一月合瓊山容瓊為一縣 南安南定

縣貞元八年六月復置 奇富州尚思州安德州貞元

十二年七月析南安置 慕化縣貞義縣以上兩縣上

字與憲宗廟諱同永貞元年十月改為慕化貞義縣

蠻州舊名與憲宗廟諱同永貞元年改為蠻州 橫州  
從化縣名與憲宗廟諱同永貞元年十二月改為從化  
縣焉 南寧州咸通六年三月四日黔中經畧使盧潘  
奏於清溪鎮置從之

### 十二衛

武德元年諸衛因隋舊並為府至龍朔二年二月四日  
並去府字為衛貞觀衛武德元年二月因隋舊制為左  
右翊衛五年十月去翊字但為左右衛貞觀十六年十

月上謂左衛大將軍李大亮曰公敦懿其心誠善事主  
每行夜自當丙夜遣郎將中郎將行甲乙丁戊等夜身  
先於人真將軍也 開元六年六月四日勅左右武衛  
郎將及諸四色官等不在外配雜差之限 左右驍衛  
左右武衛光宅元年改為左右鷹揚衛神龍元年二月  
四日復改為左右武衛 左右威衛光宅元年改為左  
右豹韜衛神龍九年復左右威衛其年七月又改為左  
右屯衛景雲二年八月二十八日又改為左右威衛

左右領軍衛龍朔二年改為左右戎衛咸亨元年十二月二十四日復為左右領軍衛光宅元年改為左右玉鈐衛神龍元年復左右領軍衛 左右金吾衛武德四年因隋舊制為左右武侯府龍朔年改為左右金吾衛貞觀十年十二月馬周奏諸衛鋪並令左右金吾中郎將自延仍各加果毅兩人助延隊 景雲二年五月七日勅左右衛將軍縱非當上日每日一人押仗其左右金吾衛將軍亦一人押仗一人奏平安 乾元元年二

月二十二日勅左右金吾內外廊所緣牆壁廊宇器械等破碎並宜於當色月番人中簡擇巧兒隨事修理如更為創造緣牆宇所須一切以上俱錄狀奏仍永為恒式 寶應元年十月二十八日左金吾將軍臧希晏奏諸街鋪鼓比來依漏刻發從朝堂發遠處每至夜纔到伏望今日以後減常式一刻發聲度絕違犯勅旨依奏大歷三年十月三日左右金吾引駕仗自今以後每仗置判官兩人左右街使置判官一人並取金吾將軍衛

佐二軍周年放選優與處分至十三年六月八日勅考滿後任依常式不在成優放遣至十四年七月勅左右金吾引駕仗三衛等承前以來抽充三番將軍手力及都知判官等處并承旨省承符區使仍取資課供用禁衛之人不合擅離職掌自今以後宜一切停建中元年七月詔以鴻臚寺所統左右威邊營隸金吾貞元二年九月勅諸衛上將軍自今以後每朝下馬致朝堂以來宜令左右金吾作等級差人引接其朝退一送至上

馬處至二年閏二月八日勅四月一日以後五更二點放鼓契九月一日以後五更三點放鼓契日出後二刻傳點三刻進坐碑 元和十三年十二月左右金吾引駕仗奏以舊例驅儼侔子等金吾將軍以下並具襴笏引入閣門謹案大儼者所以驅除羣厲合資威武其光儀襴笏之制常參朝服舊制未稱今後伏請各衣錦繡其中襍帶儀刀部引出入則與事合宜從之 太和二年三月左右金吾引駕仗奏臣伏以宿衛官建素有名

額因循相習漸慢常經自始授仕以來每隱懷憂懼縱寬尸祿猶患敗官況臣丙夜自當竊希往躅臣占親至徧閱前規據人數纔二百以來準元額不及大半去二月十三日已具陳奏令臣搜求諸頭冗剩量減所由資課詢謀舊例勘酌事情遂遺抽收四百四十七人數既足他處驅使亦無欠闕輒具條流伏乞勅臣當司永為叅守勅旨依奏 會昌三年十一月中書門下奏金吾左右衛副使近者未一年即以替換皆因請託莫展勤

勅後望令三考滿即與換非時不得替換勅旨依奏籍  
左右監門衛皇朝左右監門府置大將軍中郎將等龍  
朔二年改為監門衛舊置制凡京司應以籍入宮殿門  
者皆大司具其官爵姓名以移牒其門流外官雜色人  
等具記年紀顏狀門人送於監門者皆勘同然後聽入  
其財物器用應入官者所由以籍傍取右監門將軍判  
門司檢以出之其籍月一換 左右千牛衛武德初為  
左右府顯慶元年改為左右千牛衛龍朔年改為左右

奉宸衛咸亨年復為左右千牛衛延和元年五月二十八日勅千牛將軍中郎將等若自假故每日通融一人揮杖大將軍神龍元年二月十九日置以安國相王為之千牛龍朔年改為鳳咸亨年復為千牛龍朔年又改為奉裕神龍元年二月復為千牛至今不改永徽元年尚書左僕射褚遂良請千牛不簡嫡庶上表曰臣聞主祭祀之肩必貴於嫡長擢文武之才無限於正庶故知求賢之務有異承家前王制禮緣情務極永

嘉以來王塗不競風俗頽乖嫡待庶而若奴妻遇妾而如婢廢情虧禮轉相因習構怨於室取笑於朝莫能自悛死而無悔降及隋代斯流遂遠獨孤后罕睢鳩之德司牝雞之晨普禁庶子不得近侍自始及末怨聲未弭聖朝御厯深革前弊人以才進不論嫡庶於茲二紀多士如林今者簡千牛舍人為此制臣竊思審於理未安何者以父貴子不緣母也今以母非正室令子無貴仕則趙衰孕於越婢遙集產于胡姬田文枚臯皆妾子也文則播

美於強齊臯則有聲於大漢未聞前載有所間然儻側  
室之子負材而不用君棄之於上家輕之於下忠孝莫  
展友愛無施如此等人豈不懷怨憤雖隔千牛之選仍  
許二衛之官色類乃復稍殊捍禦至竟無別至如昨來  
檢責族人公孫父達及崔仁師等兒多是嫡子故知善  
惡由乎積習邪正寧限嫡庶必然之理不言可明

開元十一年三月二十八日准令千牛二中上考始進  
一階既是衛官又須簡試全依職事頗亦傷煩今若五

考滿考折為四考四考折為三二考不在折減其進六  
考既稱第宜倍折 貞元七年十二月五日兵部奏事  
條取門地清華容儀整肅年十一以上十四以下試讀  
一小經兼薄解弓馬其蔭取嗣王任常品四品以上清  
資官宰輔及文武職事正二品以上官御史大夫諸司  
卿監國子祭酒京兆河南尹子孫主男見任左右丞諸  
司侍郎及左右庶子應前任并身後蔭者三品以上官  
仍須兼三品以上階其見任官蔭兼不須階庶孽醢酒

掖疾等並不應限一蔭之下不得其人應補並周親有  
見任千牛亦不在應限所用蔭若是攝試檢其外兼管  
等非正闕釐務者並不在應補限應用贈蔭者須承前  
廢歷任清資事兼門地與格文相當者具贈蔭降品請  
準格式處分勅旨依奏 諸衛中郎將永徽三年八月  
二十日避太子諱改中郎為旅賁郎將改為翊軍郎司  
階二員中候三員司戈執戟各五員並天授二年四月  
五日置 冑營舊為鎧曹垂拱元年二月改為冑統軍

興元元年正月二十九日勅六軍宜各置統軍一人秩從三品上將軍貞元二年九月一日勅六軍先已有勅各置統軍一人十六衛宜各置上將軍一人秩從二品其左右衛及左右金吾衛上將軍俸料隨軍人馬等同六軍統軍其諸衛上將軍次于統軍支給自今已後內文武官闕於文武班中才望相當者相參叙用仍待以後各故事於本衛量置衛兵所司續商量條件奏聽進止仍舉故事置武班朝參其廊下食亦宜加給稍令優

厚 大厯四年七月勅入閣升殿中郎將等帶刀升殿  
職掌不輕宜委中書門下精加選擇仍叙品第於廊下  
別與置廚其千牛郎將宜准此貞元年九月十二日左  
右衛左右武衛左右驍衛左右威衛左右領軍衛左右  
監門衛左右千牛衛等上將軍大將軍宜于入宿至四  
年二月勅選人南北衛宿衛前任京官等前御帶衛者  
依資並與京官 十一年正月勅置四品以下武官以  
授四夷歸附者仍定懷化大將軍以下俸錢有差初顯

慶三年以四夷君長來朝者多乃置懷德歸化將軍以授之仍隸諸衛至是以降附者名位有差故增置中

郎將以下員

按國史本紀及實錄並為懷德歸化將軍而職官全及六典為歸化懷德將軍二說

不同當必有誤者

太和四年五月兵部奏伏以三衛皆出入禁

署本署子弟期於恭恪近日頑弊皆非正身諸衛公然

納者訪問亦不雇名士庶假蔭混雜搢紳隙院一開姦

邪濫入實宜杜絕以序彞倫其資蔭三衛並請停廢異

清流品式茂皇猷勅旨依奏開成元年五月中書門

下奏入閣升殿接狀中郎准故事合是左右千牛衛中郎比緣用人未精去年一時除縣主壻四人臣昨日令勘尋乃仗一人身亡准舊例便是金吾仗司於諸位中郎差替並不申中書門下臣等商量從今以後左右千牛中郎將闕人及在假故遇入閣日望令金吾司申中書門下於南省郎官中擢定擇差訖先具名預申中書門下如臨日揀擇差遣不及則闕而不補冀免乖雜其郎官兼中郎有假故都督便於郎官中權定充替仍先

具狀申中書門下勅旨依奏 天復三年二月以宰相  
崔轍守司徒兼侍中判六軍十二衛四月崔轍奏六軍  
十二衛名額空存實無兵士京師侍衛亦籍親請每軍  
召募一千一百共置六千六百人從之乃令六軍副使  
京兆尹鄭元規立格召募

東宮諸衛

左右衛率府 龍朔二年二月四日改為典式衛咸亨  
元年十二月十四日復舊 左右司御率府龍朔二年為

左右司御衛咸亨元年改宗衛景雲二年八月二十八日改復為司御率府 左右清道率府龍朔年為左右清道衛咸亨年改為虞武神龍元年復為左右清道率府 左右監門率府龍朔年改為崇掖衛垂龍元年二月二日改為左右鶴禁府神龍元年復舊興元元年十月詔軍衛及率府五品以上正員武官得替及以理去任者宜令兵部准五品以上文官例每年作限條件聞奏

唐會要卷七十一